



FEB
2026

SIAPA KAMI?

Cahaya Society ialah organisasi yang berdaftar dengan Jabatan Pendaftaran Pertubuhan Malaysia sebagai Pertubuhan Pendidikan Anak Cahaya Sabah.

Ditubuhkan pada Januari 2019 dan berfokus pada kepada advokasi pendidikan alternatif untuk anak-anak tanpa negara, kebajikan sosial dan pemberdayaan komuniti di Sandakan, Sabah.

Selain itu, Cahaya Society juga aktif dalam menerbitkan karya dan tulisan tempatan di laman rasmi menerusi ruangan Arkib Cahaya bagi mengangkat apresiasi terhadap tulisan sama ada berbentuk ulasan buku, reviu filem, puisi, mahupun cerpen.

Demi Pendidikan,

Merdeka!



BIKIN APA?



Pesta Graduasi Sekolah Alternatif-Borneo Komrad

Cahaya Society berbesar hati menerima jemputan daripada Borneo Komrad untuk bersama-sama menghadiri dan menjayakan Pesta Graduasi Sekolah Alternatif yang berlokasi di Kampung Layang-Layang, Semporna.



YSP Batch-2 Sesi Orientasi

Sesi orientasi dan pengenalan bagi peserta Youth Socioeconomic Project (YSP) sesi 2026 telah dilaksanakan. Program ini melalui Pusat Kemahiran Cahaya bertujuan menyediakan literasi kemahiran sebagai satu inisiatif sokongan bagi pembangunan sosioekonomi komuniti.



Cahaya Disaster Preparedness Initiative (CDPI)- Outreach Komuniti

Aktiviti outreach komuniti telah dijalankan ke beberapa kampung atas air bagi memahami cabaran dan situasi fenomena air pasang dalam kalangan komuniti dengan penumpuan kepada penilaian risiko bencana serta inisiatif persiapan pra-bencana, khususnya berkenaan bencana air pasang yang menjejaskan komuniti pesisir.



SCENIC Visit - Social Impact Grantee

Cahaya Society berbesar hati menerima kunjungan wakil Sabah Creative Economy and Innovation Centre (SCENIC) bagi meninjau perkembangan projek serta kesan sosial yang dicapai daripada Geran Impak Sosial yang ditaja.



EKUNAS Food Pack RUS Teratak Ilmu

Cahaya Society telah mengagihkan pek makanan bagi program Ramadhan untuk semua(RUS) untuk komuniti sekitar sekolah Alternatif Teratak Ilmu, Sandakan, dengan sokongan Ekuiti Nasional Berhad (EKUNAS). Program ini bertujuan menyalurkan bantuan barangan keperluan asas kepada keluarga komuniti yang memerlukan bagi meringankan beban harian mereka.



Bengkel Media Organisasi bersama Kelab Anak-Anak Sandakan (ANAS)

Cahaya Society menganjurkan Bengkel Media Organisasi bersama Kelab Anak-anak Sandakan(ANAS) bagi meningkatkan kemahiran ahli dan sukarelawan dalam pengurusan media serta penghasilan kandungan organisasi. Peserta didedahkan kepada asas penulisan artikel, dokumentasi aktiviti, dan pengurusan media sosial bagi memperkukuhkan penyampaian mesej organisasi kepada masyarakat di Sandakan.



Kelas Jahitan(Batch 2)- Minggu Pertama

Batch kedua kelas Asas Jahitan telah dijalankan, menekankan transisi daripada literasi asas kepada kemahiran praktikal. Program ini merupakan sebahagian daripada inisiatif pendidikan untuk hidup, dan memberi penghargaan kepada anak-anak yang sentiasa mempercayai nilai pengetahuan, membolehkan mereka bertumbuh dan berkembang dengan baik.



Cahaya Disaster Preparedness Initiative (CDPI)-Sesi Ceramah

Pasukan Cahaya Society melaksanakan CDPI Talk di perkampungan atas air, menggunakan modul pembangunan kapasiti bagi pendidikan pra-bencana yang diperkemas setiap tahun. Aktiviti ini bertujuan berkongsi pengetahuan tentang persiapan menghadapi bencana serta belajar daripada pengalaman komuniti, dengan menekankan bahawa hak keselamatan adalah hak semua.

BIKIN APA?



Majlis Sungkai Cahaya-Minggu Pertama

MSC (Siri 1) telah diadakan dengan perkongsian oleh Sdr Sofian Ikbal dari Persatuan Siswazah Sabah dan Kelab ANAS, bertemakan Ramadan sebagai bulan perjuangan. Aktiviti ini memberikan banyak hikmah dan ilmu baru kepada peserta.



Kelas Literasi Digital-YSP - Kelas Pertama

Kelas pertama bersama Cikgu Asiken dan NADI Pekan Batu Sapi telah diadakan, memberikan pendedahan asas pengetahuan ICT kepada anak-anak Cahaya. Program ini menekankan peralihan daripada literasi kepada kemahiran, membolehkan mereka bertumbuh dengan ilmu secara menyeluruh.



Sungkai Percuma

Acara tahunan Sungkai Percuma telah dilaksanakan dengan semangat Ramadan Untuk Semua oleh Sukarelawan Cahaya Society bersama Kelab Anak Cahaya (KAC) sepanjang bulan mulia dengan mengagihkan juadah berbuka kepada orang ramai di Sandakan.



Sungkai Buku

Anak-anak Cahaya Society memulakan pagi mereka dengan sesi sungkai buku, membaca kisah teladan nabi. Aktiviti ini memberikan peluang kepada mereka untuk mendengar, belajar, dan berkembang secara seronok serta interaktif.



CERITA DARI BAWAH

Cahaya Disaster Preparedness Initiative (CDPI) 2026

Program Inisiatif Kesiapsiagaan Bencana Cahaya (CDPI) 2026 merupakan intervensi sokongan kepada komuniti berisiko yang tinggal di kawasan terdedah kepada bencana seperti perkampungan atas air, lereng bukit dan tanah rendah di daerah Sandakan. Program ini bertujuan meningkatkan tahap kesiapsiagaan komuniti melalui pendidikan keselamatan dan kesihatan serta penyediaan kit kecemasan asas.

Pelaksanaan program memberi tumpuan kepada dua komponen utama, iaitu taklimat prabencana dan pengagihan kit kecemasan. Taklimat prabencana menekankan kesedaran terhadap risiko setempat, langkah keselamatan asas, prosedur pemindahan serta amalan kesihatan dan kebersihan semasa kecemasan melalui pendekatan interaktif seperti demonstrasi dan simulasi. Pengagihan kit kecemasan pula menyediakan keperluan asas termasuk peralatan pertolongan cemas, bahan kebersihan dan peralatan keselamatan, sekali gus mengukuhkan kesiapsiagaan di peringkat isi rumah.

Program ini dilaksanakan secara kolaboratif bersama pemimpin komuniti dan sukarelawan tempatan bagi memastikan penyampaian yang berkesan serta menggalakkan pemilikan inisiatif dalam kalangan komuniti. Pelaksanaan pada tahun ini turut disokong melalui pembiayaan Itizim by Ekuinas, sebuah inisiatif di bawah Ekuinas yang komited dalam memperkukuh daya tahan, keselamatan dan kesejahteraan komuniti berisiko.

Secara keseluruhan, CDPI menasaskan peningkatan kesedaran keselamatan, tahap kesiapsiagaan serta pengukuhan kerjasama komuniti agar lebih bersedia memahami keperluan dan mengambil tindakan awal yang sewajarnya apabila menerima amaran atau maklumat berkaitan risiko bencana daripada pihak berkuasa.

CAHAYA SOCIETY

APA PERLU DIBUAT KETIKA BANJIR?

CAHAYA DISASTER PREPAREDNESS INITIATIVE

- UTAMAKAN KESELAMATAN DIRI**
Bantu kanak-kanak dan warga emas dahulu
- BAWA BEG KECEMASAN**
Dokumen (dalam plastik kalis air), telefon, ubat-ubatan dan air
- JANGAN REDAH BANJIR**
Bahaya lubang tersembunyi dan haiwan berbisa
- MATIKAN BEKALAN ELEKTRIK**
Tutup suis utama, elak sentuh peralatan elektrik dan jauhi tiang elektrik

CAHAYA SOCIETY

WWW.CAHAYASOCIETY.ORG

BULAN DEPAN, BIKIN APA?

Aidilfitri Untuk Semua

Agihan sampul raya kepada 350 pelajar Pusat Pembelajaran Alternatif termasuk Madrasah Annur, Teratak Ilmu, Anjung Bakti, Opak Lestari dan Cahaya Learning Centre.,

Rumah Terbuka Cahaya 2026

Acara merayakan komuniti cahaya dalam kalangan pelajar Pusat Pembelajaran Alternatif, ibubapa komuniti, sukarelawan dan pasukan Cahaya Society.

VISIBLE MERCH

RM40

CAHAYA SOCIETY

MAKE THE INVISIBLE VISIBLE

RM25

MAKE THE INVISIBLE VISIBLE

Canvas fabric
Full-color DTF print (front)
Crafted by the Cahaya community
Garaj Cahaya label

Microfibre fabric
Full-color DTF print (front & back)
Crafted by the Cahaya community
Garaj Cahaya label



VISIBLE COMBO PACK
LIMITED BUNDLE!

RM60
FREE STICKER

PRE-ORDER NOW!



IMBAS UNTUK DAFTAR AHLI

TERIMA KASIH!
MAGSUKUL!

Pertubuhan Pendidikan Anak Cahaya Sabah

8603686012 (CIMB Bank)



CAHAYA ENTERPRISE-QR

"Pendidikan Untuk Semua"

🌐 cahayasociety.org
✉ cahayasociety@gmail.com
☎ 089 666 915